



Terenga 2: Hōtaka16 – whaka-

Tēnā koutou kua kūemi nei i te ūnga-ā-waka o AKO. He tumu herenga waka tēnei mō tātou katoa ahakoa ko wai, ahakoa nō whea. Nau mai me tō taukaea, kia ita ai te taura here tangata.

Hei Mahi Whakarongo

Hau ana te rongō o te ao Māori i te ao whānui i te whakakitenga nui o Te Māori. He mea kawē e ngā iwi Māori me ngā whare taonga o te motu tēnei kaupapa ki ētehi taone matua o Amerika i te tau 1984. Koinei te kaupapa hei whakarongo mā tātou. Anei ngā pātai kia whakautua e koutou.

1. He kaupapa pēhea nei a Te Māori?
2. Ko wai mā i tumeke?
3. He aha te mahi hē a te iwi Māori e kōrerohia nei?

He Whakamārama

Ki te tāpirihia te kūmua 'whaka' ki mua i te tūāhua, ka noho te kupu hou hei 'tūmahī'. Hei reira rawa e taea ai te whakahāngū taua kupu. Kāore e taea te whakahāngū te tūāhua mena koinā te kupu matua i roto i te rereāhua.

ora > orangia x	whakaora > whakaorangia ✓
ngaro > ngarotia x	whakangaro > whakangaromia ✓
tutuki > tutukitia x	whakatutuki > whakatutukihia ✓

Tirohia hoki te panonitanga o ēnei momo kupu matua:

whenua (tūingoa)	>	whakawhenua (tūmahī)
land		I whakawhenua te kaitākaro i te pōro. <i>The player grounded the ball.</i>
tū (tūmahī)	>	whakatū (tūmahī)
stand		I whakatū te whānau i tētehi hui. <i>The family organised a gathering.</i>
ora (tūāhua)	>	whakaora (tūmahī)
alive		I whakaora te tohunga i te tamaiti. <i>The healer revived the child.</i>
pau (tūāhua oti)	>	whakapau (tūmahī)
consumed		I whakapau rātou i ō rātou kaha. <i>They expended their strength.</i>

Hei Manatu

He maha ngā kupu rerekē o te reo Māori mō te kupu Pākehā 'break', 'broken' rānei. Tirohia ngā horopaki rerekē e whai ake nei:

wāhi = to break , split open
whati = to break (waves), to snap (branch, stick, leg, bone), to be cut short (waiata
motu = be broken (cord, rope, line)
pakaru = be broken, shattered

Hei Mahi

Kei te hē, kei te tika rānei ēnei rerenga:

1. Ka tū te hui ā te marama o Pipiri.
2. I paua e te whānau ngā kai i horahia ai e te whaea.
3. Kua whakatutukihia e ia ana wawata.

Whakautu:

1. kei te tika
2. kei te hē. I pau i te whānau.... I whakapaua e te whānau...
3. kei te tika